

UPUTSTVO ZA ISPITIVAČE KOJI NEMAJU ODOBRENJE BHDCA

1. Uvod

1.1. Propisi

Ispitivači koji nisu odobreni od BHDCA a koji namjeravaju da sprovode ispite praktične obučenosti, provjere stručnosti i procjene stručnosti letaćkih posada koje je sertifikovala BHDCA moraju biti priznati od BHDCA kao strani ispitivači u skladu sa Pravilnikom BHDCA o utvrđivanju tehničkih zahtjeva i upravnih postupaka u vezi sa letaćkim osobljem u civilnom zrakoplovstvu („Službeni glasnik BiH“ br. 04/18, primjenjivim od 27. januara 2018. godine) putem kojeg je u regulatorni sistem Bosne i Hercegovine transponovana Uredba Komisije (EU) br. 1178/2011 o utvrđivanju tehničkih zahtjeva i upravnih postupaka u vezi sa letaćkim osobljem u civilnom zrakoplovstvu, kako slijedi:

1.1.1. FCL.1015(c) u Poddijelu K – Ispitivači:

Imaoci sertifikata ispitivača ne sprovode ispite praktične obučenosti, provjere stručnosti ili procjene stručnosti podnosioca zahtjeva za kojeg nadležni organ nije isti kao onaj koji je izdao sertifikat ispitivača, osim ako su pregledali posljednje dostupne informacije koje sadrže relevantne nacionalne procedure nadležnog organa podnosioca zahtjeva.

1.1.2. ARA.FCL.205 Praćenje ispitivača:

- (a) Nadležni organ izrađuje program nadzora sa ciljem da prati djelovanje i radne rezultate ispitivača vodeći računa o:
 - (1) broju ispitivača koje je sertifikovao; i
 - (2) broju ispitivača koje su sertifikovali drugi nadležni organi a koji koriste svoje privilegije u okviru teritorije na kojoj nadležni organ sprovodi nadzor.
- (b) Nadležni organ održava spisak ispitivača koje je sertifikovao. Na spisku se navode privilegije ispitivača, a objavljuje ga i ažurira nadležni organ.
- (c) Nadležni organ izrađuje procedure sa ciljem da se odrede ispitivači koji sprovode ispite praktične obučenosti.

1.1.3. ARA.FCL.210 (c) Informacije za ispitivače:

Nadležni organ može ispitivače koje je sertifikovao i ispitivače koje su sertifikovali drugi nadležni organi a koji koriste svoje privilegije na njihovoj teritoriji upoznati sa bezbjednosnim kriterijumima koje treba poštovati pri sprovođenju ispita praktične obučenosti i provjera stručnosti u zrakoplovu.

1.2. Odgovornost ispitivača

Ispitivači ispunjavaju sve važeće propise i zahtjeve, a naročito:

- FCL.1005 Ograničenja privilegija u slučaju ličnog interesa,
- FCL.1015 Standardizacija ispitivača,
- FCL.1030 Sprovođenje ispita praktične obučenosti, provjera stručnosti i procjena stručnosti, te važeća sredstva usklađivanja i savjetodavni materijal.

1.3. Svrha ovog uputstva

Ovo uputstvo je osmišljeno sa ciljem da se ispune zahtjevi Aneksa I, FCL.1015(c) u skladu sa zahtjevima iz Aneksa VI ARA.FCL.210(c), a koji se odnose na informacije koje je Direkcija za civilno zrakoplovstvo Bosne i Hercegovine (u daljnjem tekstu: BHDCA) dužna da pruži ispitivačima koje nije sertifikovala BHDCA.

Svrha ovog uputstva je da se ispitivačima koje nije sertifikovala BHDCA daju informacije o:

- (i) tome kako da se u svojstvu ispitivača registruju u BHDCA da bi potvrdili da su primili ovo uputstvo. Ovo je neophodno uraditi prije sprovođenja ispita praktične obučenosti, provjera



stručnosti i procjena stručnosti za imaoca BHDCA dozvole ili podnosioca zahtjeva za BHDCA dozvolu.

- (ii) načinu obavljanja BHDCA o tome kada namjeravaju da sprovedu ispit praktične obučenosti, provjeru stručnosti ili procjenu stručnosti imaoca BHDCA dozvole ili podnosioca zahtjeva za BHDCA dozvolu.
- (iii) ovlaštenju koje im je potrebno da bi sprovedu ispit praktične obučenosti ili provjeru stručnosti radi obnove ili procjenu stručnosti, i potvrdi koja im je potrebna da bi sprovedu provjeru stručnosti radi produženja ili procjenu stručnosti.
- (iv) o tome kako mogu dobiti upute o bezbjednosti letenja pri sprovođenju ispita praktične obučenosti, provjera stručnosti i procjena stručnosti u zrakoplovu u Bosni i Hercegovini.
- (v) informacijama o nacionalnim upravnim postupcima, zahtjevima u pogledu zaštite ličnih podataka, zakonske odgovornosti, osiguranju od nesreće i naknadama.

Namjera ovog uputstva nije da zamijeni bilo kakvu obuku ili standardizaciju ispitivača koja je predviđena propisima niti da se izdaje bilo kakvo dodatno uvjerenje ispitivaču.

Ovo uputstvo ne podrazumijeva nikakvo dopuštenje ili odobrenje od BHDCA za korišćenje bilo kakvog zrakoplova ili simulatora, niti na bilo kakav način ovlašćuje bilo kojeg ispitivača da krši zakone, pravila ili procedure koji su na snazi u jurisdikciji u kojoj se obavlja ispit, provjera ili procjena.

2. Postupak registracije za ispitivače koje nije sertifikovala BHDCA da sprovedu ispite praktične obučenosti, provjere stručnosti i procjene stručnosti imaoa FCL/JAR-FCL dozvole, ovlašćenja ili sertifikata koji je izdala BHDCA ili podnosioca zahtjeva za FCL/JAR-FCL dozvolu, ovlašćenje ili sertifikat koji izdaje BHDCA

Uputstvo za ispitivače koje predviđa FCL.1015 (c) daje se u formi pisane instrukcije koju će ispitivač pročitati i potom svojim potpisom na priznanici potvrditi da razumije i zadovoljava uslove istog.

Priznanica se potom dostavlja u BHDCA zajedno sa kopijama potrebnih dokumenata.

Proces se sastoji od procedure koju mora proći ispitivač koji nema odobrenje BHDCA:

1. Popuniti obrazac zahtjeva – (šifra: PART FCL/EXAM-005), koji se ispunjava i šalje na sljedeću e-mail adresu: najava@bhdca.gov.ba zajedno sa skeniranim kopijama potrebnih dokumenata,
2. Pročitati dokument Uputstvo za ispitivače koji nemaju odobrenje BHDCA, popuniti posljednju stranicu i istu poslati u obliku skenirane datoteke ili fotokopije zajedno sa obrascem zahtjeva (iz tačke 1) na sljedeću e-mail adresu: najava@bhdca.gov.ba.
3. Prije korišćenja svojih privilegija, ispitivač koji nema odobrenje BHDCA mora dobiti potvrdu od BHDCA. Ova potvrda se ispitivaču šalje elektronskim putem (putem e-maila).

Od ispitivača koji nemaju odobrenje BHDCA se očekuje da pročitaju i potpisom prihvate Uputstvo za ispitivače (vidjeti posljednju stranicu) na svake tri godine ili nakon isteka važenja Sertifikata ispitivača koji je prihvatila BHDCA.

U ovom trenutku, BHDCA će prihvatiti i ovlašćenje ispitivača odobreno u skladu sa JAR-om koje se odnosi na sprovođenje ispita/provjera.

Svu komunikaciju sa stranim ispitivačima treba obavljati elektronskim putem, koristeći samo njihove objavljene e-mail adrese i putem e-mail adrese najava@bhdca.gov.ba.

2.1. Sprovođenje ispita praktične obučenosti, provjera stručnosti i procjena stručnosti

Svi ispitivači, prije početka procesa sprovođenja ispita praktične obučenosti, provjere stručnosti ili procjene stručnosti za imaoa Part-FCL/JAR-FCL dozvole, ovlašćenja ili sertifikata koji je izdala BHDCA ili podnosioca zahtjeva za Part-FCL/JAR-FCL dozvolu, ovlašćenje ili sertifikat koji izdaje BHDCA, moraju se obavezno upoznati sa nacionalnim upravnim postupcima, propisima i zahtjevima države u kojoj se sprovodi predmetni ispit, provjera stručnosti ili procjena stručnosti.

2.2. Pojediniosti o ispitivaču koje objavljuje BHDCA

U skladu sa ARA.FCL.205, Aneks VI Tehničkih zahtjeva i upravnih postupaka u vezi sa letaćkim osobljem u civilnom zrakoplovstvu ("Službeni glasnik BiH" br. 04/18), BHDCA će objaviti listu ispitivača koje su sertifikovali drugi nadležni organi a koji su sa BHDCA okončali postupak upoznavanja sa Uputstvom. Na listi se navode privilegije ispitivača.

U svrhu zaštite podataka, slanjem obavještenja u BHDCA ispitivač daje saglasnost Direkciji za civilno zrakoplovstvo BiH da objavi ime ispitivača, broj sertifikata ispitivača, državu koja je izdala sertifikat, privilegije ispitivača i datum isteka važenja sertifikata ispitivača.

2.3. Postupak obavještanja o ispitu praktične obučenosti, provjeri stručnosti i procjeni stručnosti

Ispitivač kojeg je sertifikovala druga država članica dužan je da obavijesti BHDCA o tome kada namjerava da sprovede ispit praktične obučenosti, provjeru stručnosti ili procjenu stručnosti za imaoaca BHDCA dozvole, ovlaštenja ili sertifikata ili podnosioca zahtjeva za BHDCA dozvolu, ovlaštenje ili sertifikat.

Ovo obavještenje uključuje sve potrebne informacije o planiranim ispitima praktične obučenosti, provjerama stručnosti ili procjenama stručnosti, i dostavlja se u BHDCA na e-mail adresu: najava@bhdca.gov.ba.

2.3.1. Pojediniosti u obavještenju

Ispitivači šalju sljedeće pojediniosti u obavještenju, po potrebi:

- Referentni broj Uputstva za ispitivače*:
- Puno ime ispitivača:
- Broj dozvole ispitivača i država izdavanja dozvole:
- Ljekarsko uvjerenje ispitivača (klasa i rok važenja), po potrebi:
- Opseg privilegija ispitivača kako su navedene na sertifikatu ispitivača:
- Rok važenja sertifikata ispitivača:
- Puno ime kandidata:
- Broj dozvole kandidata:
- Uloga kandidata tokom ispita / provjere / procjene:
- Vrsta događaja – Ispit praktične obučenosti / Provjera stručnosti / Procjena stručnosti
- Mjesto održavanja ispita / provjere / procjene:
- Datum i vrijeme održavanja ispita / provjere / procjene:
- Klasa ili tip zrakoplova:
- Broj kvalifikacije za FSTD / Registracija zrakoplova:

Ispitivač mora priložiti skenirane kopije sertifikata ispitivača, dozvole ispitivača i ljekarskog uvjerenja ispitivača.

Referentni broj BHDCA je isti referentni broj koji je naveden na originalnom sertifikatu ispitivača.

2.3.2. Prihvatanje obavještenja

Ispitivači mogu sprovesti ispit praktične obučenosti ili provjeru stručnosti ili procjenu stručnosti bez obzira da li su ili nisu dobili potvrdu o prijemu obavještenja od BHDCA.

2.3.3. Izvještanje i dokumentacija nakon sprovođenja ispita praktične obučenosti, provjere stručnosti ili procjene stručnosti

Svi ispitivači koji su sproveli ispit praktične obučenosti, provjeru stručnosti ili procjenu stručnosti za imaoaca BHDCA dozvole ili podnosioca zahtjeva za BHDCA dozvolu dužni su da izvještaj o tome pošalju elektronskom poštom **odmah nakon završetka** ispita/provjere/procjene na sljedeću e-mail adresu: najava@bhdca.gov.ba.

Ispitivači šalju izvještaj sa sljedećim detaljima:

- Referentni broj Uputstva za ispitivače:
- Puno ime ispitivača:
- Broj dozvole ispitivača i država izdavanja dozvole:
- Ljekarsko uvjerenje ispitivača (klasa i rok važenja), po potrebi:
- Opseg privilegija ispitivača kako su navedene na sertifikatu ispitivača:



- Rok važenja sertifikata ispitivača:
- Puno ime kandidata:
- Broj dozvole kandidata:
- Uloga kandidata tokom ispita / provjere / procjene:
- Vrsta događaja – Ispit praktične obučenosti / Provjera stručnosti / Procjena stručnosti
- Mjesto održavanja ispita / provjere / procjene:
- Datum i vrijeme održavanja ispita / provjere / procjene:
- Klasa ili tip zrakoplova:
- Broj kvalifikacije za FSTD / Registracija zrakoplova:
- Rezultat ispita / provjere / procjene:

Nakon sprovedenog ispita praktične obučenosti, provjere stručnosti ili procjene stručnosti, ispitivač ispunjava odgovarajuće dokumente (obrasce). Ispitivač zadržava jedan primjerak dokumentacije sa ispita praktične obučenosti, provjere stručnosti ili procjene stručnosti.

Ispitivač ili podnosilac zahtjeva dostavlja originalne dokumente u BHDCA. Ako se dokumenti šalju poštom, kontakt adresa je:

Direkcija za civilno zrakoplovstvo Bosne i Hercegovine (BHDCA)
Odsjek FCL
V kozarske brigade 18
78000 Banja Luka
Bosna i Hercegovina

Svi gorenavedeni dokumenti (obrasci) dostupni su na zvaničnoj stranici BHDCA (internet adresa: <http://www.bhdca.gov.ba/index.php/sr/2014-03-13-11-09-11/part-fcl>).

3. Nacionalni upravni postupci i zahtjevi

3.1. Sprovođenje ispita praktične obučenosti

FCL.030 (b) navodi da: „Osim za izdavanje dozvole saobraćajnog pilota, podnosioca zahtjeva za ispit praktične obučenosti za predmetni ispit preporučuje organizacija/lica odgovorno za obuku, nakon okončanja obuke. Zapis o obuci se dostavljaju ispitivaču“.

Prije sprovođenja ispita praktične obučenosti, ispitivač se mora uvjeriti da je podnosilac zahtjeva završio sve obuke koje su predviđene propisima i da ga je za ispit praktične obučenosti, sem za ispit praktične obučenosti za ATPL, preporučila organizacija/lice odgovorno za obuku.

Ispitivač ne može sprovesti ispit praktične obučenosti za izdavanje dozvole, ovlaštenja ili sertifikata za imaooca BHDCA dozvole ili podnosioca zahtjeva za BHDCA dozvolu, ako ga BHDCA nije pismeno ovlastila za sprovođenje predmetnog ispita.

3.2. Privilegije za ovlaštene ispitivače

3.2.1. Ispiti praktične obučenosti za sticanje dozvole, sertifikata nastavnika, instrumentalnog ovlaštenja, te ovlaštenja za tip ili klasu

BHDCA obično potvrđuje ispitivače koji su iz BiH ili ispitivače koje je sertifikovala BHDCA, ili ispitivače koje zapošljava ATO organizacija koju je sertifikovala BHDCA da sprovedu ispit praktične obučenosti za sticanje dozvole, instrumentalnog ovlaštenja, ovlaštenja za tip ili klasu.

Kada BHDCA dobije obavještenje o ispitu praktične obučenosti od ispitivača kojeg je sertifikovala druga država članica i sa referentnim brojem Uputstva koji je izdala BHDCA, BHDCA će izdati ovlaštenje za sprovođenje predmetnog ispita praktične obučenosti. Ovo ovlaštenje će ispitivaču biti poslato isključivo elektronskom poštom.

3.2.2. Izdavanje, produžavanje i obnavljanje sertifikata ispitivača

Sve procjene stručnosti radi izdavanja, produžavanja ili obnavljanja sertifikata ispitivača može sprovesti samo inspektor BHDCA ili stariji ispitivač koji je od BHDCA posebno ovlašten da sprovede predmetnu procjenu stručnosti.

BHDCA će izdati ovlaštenje za gorenavedenu svrhu i isto poslati predmetnom starijem ispitivaču isključivo elektronskom poštom.

3.2.3. Produžavanje ovlaštenja i sertifikata

Ispitivači mogu sprovesti provjeru stručnosti ili procjenu stručnosti radi produžavanja ovlaštenja ili sertifikata tek nakon što pošalju obavještenje i dobiju potvrdu od BHDCA.

Međutim, ispitivač ne smije upisati novi rok važenja u dozvolu.

3.2.4. Obnavljanje ovlaštenja i sertifikata

Ispitivači koji sprovedu provjere radi obnavljanja ovlaštenja i sertifikata moraju se uvjeriti da je podnosilac zahtjeva završio neophodnu obuku za osvežavanje znanja, i to na način da im se dostavi sertifikat ili dokumentovani dokazi iz ATO organizacije, po potrebi [Vidjeti AMC1 FCL.740(b)(1)].

Ispitivači mogu samo sprovesti provjeru stručnosti radi obnavljanja ovlaštenja, ali ne smiju upisati obnovu ovlaštenja u pilotsku dozvolu.

3.3. Obavještenje – za svaki događaj – kada obavijestiti

Ispitivači koje nije sertifikovala BHDCA dužni su da pošalju obavještenje (vidjeti stav 2 iznad) za svaki ispit praktične obučenosti, provjeru stručnosti ili procjenu stručnosti koje namjeravaju da sprovedu za imaooca BH Part-FCL/JAR-FCL dozvole ili podnosioca zahtjeva za BH Part-FCL/JAR-FCL dozvolu.

Obavještenja za ispit praktične obučenosti, provjeru stručnosti i procjenu stručnosti koja se sprovodi van teritorije Bosne i Hercegovine šalju se najmanje 15 radnih dana unaprijed.

Druga obavještenja se šalju najmanje 3 radna dana unaprijed.



4. Nadzor ispitivača

BHDCA zadržava pravo da posmatra svaki ispit praktične obučenosti, provjeru stručnosti ili procjenu stručnosti koja se sprovodi za imaoce BiH dozvole, ovlašćenja ili sertifikata ili za podnosioca zahtjeva za BiH dozvolu, ovlašćenje ili sertifikat.

BHDCA će u svoj program nadzora uključiti ispitivače koje nije sertifikovala BHDCA a koji sprovode ispite praktične obučenosti, provjere stručnosti ili procjene stručnosti, sa ciljem da prati njihovo djelovanje i radne rezultate.

5. Ostale informacije

5.1. Rješavanje sporova

Ispitivači moraju upoznati imaoca BHDCA dozvole ili podnosioca zahtjeva za BHDCA dozvolu sa procedurama nadležnog organa koji ih sertifikuje ili sa odobrenim procedurama u njihovoj ATO organizaciji koje se odnose na istraživanje svih eventualnih prigovora na sprovođenje ispita.

Podnosilac zahtjeva koji želi da pokrene spor u vezi sa sprovođenjem ispita praktične obučenosti, provjere stručnosti ili procjene stručnosti može slučaj uputiti u pisanom obliku sljedećim redoslijedom:

1. ATO organizaciji u kojoj se odigrao događaj;
2. Nacionalnoj zrakoplovnoj vlasti (NAA) koja je izdala sertifikat ispitivača, da razmotri slučaj;
3. Direkciji za civilno zrakoplovstvo BiH (BHDCA), ako kandidat želi da zatraži intervenciju BHDCA.

Ako se skrene pažnja BHDCA na prigovor, u pogledu sprovođenja ispita praktične obučenosti, provjere stručnosti ili procjene stručnosti koju je sproveo ispitivač kojeg nije sertifikovala BHDCA, tada BHDCA prosljeđuje prigovor u NAA koja je izdala sertifikat ispitivača.

5.2. Zaštita ličnih podataka

Obrazac za probni let i sve druge lične informacije mogu se proslijediti samo u BHDCA, nadležnoj vlasti ispitivača koji nema odobrenje BHDCA po potrebi, i pilotovom poslodavcu (uz saglasnost pilota).

Informacije se ne smiju prosljeđivati drugima.

FCL.1030(c) Aneksa I Tehničkih zahtjeva i upravnih postupaka u vezi sa letaćkim osobljem u civilnom zrakoplovstvu navodi: „Ispitivači vode evidenciju u trajanju od 5 godina koja sadrži pojedinosti o svim obavljenim ispitima praktične obučenosti, provjerama stručnosti i procjenama stručnosti te njihovim rezultatima“.

FCL.1030(d) Aneksa I Tehničkih zahtjeva i upravnih postupaka u vezi sa letaćkim osobljem u civilnom zrakoplovstvu navodi: „Na zahtjev nadležnog organa odgovornog za sertifikat ispitivača, ili dozvolu podnosioca zahtjeva, ispitivači su dužni da dostave svu evidenciju i izvještaje, kao i sve informacije koje su neophodne u svrhu nadzora“.

5.3. Zakonska odgovornost i osiguranje ispitivača

Ispitivači djeluju kao pojedinačna lica i lično su odgovorni za svoje postupke ili propuste.

Ispitivači nisu pod ugovorom sa BHDCA i nisu zaposleni u BHDCA.

Ispitivač ne smije sprovesti ispit, provjeru ili procjenu stručnosti ako ne zadovoljava sve zahtjeve iz Tehničkih zahtjeva i upravnih postupaka u vezi sa letaćkim osobljem u civilnom zrakoplovstvu („Službeni glasnik BiH“ br. 04/18), koji su na snazi u BiH, i ako nema neophodno ovlaštenje od svog nadležnog organa i od BHDCA u slučajevima kada se to ovlaštenje traži.

Ispitivač mora da ispuni procedure koje se zahtijevaju u Tehničkim zahtjevima i upravnim postupcima u vezi sa letaćkim osobljem u civilnom zrakoplovstvu („Službeni glasnik BiH“ br. 04/18), koji su na snazi u BiH, i koje zahtijeva BHDCA, jer u suprotnom BHDCA ne može prihvatiti ishod predmetnog ispita praktične obučenosti, provjere stručnosti ili procjene stručnosti.

Ispitivač mora iskazivati standardno stručno umijeće, pažnju i propisno ponašanje koje se očekuje od jednog ispitivača. Ispitivač koji to ne iskazuje ili je nemaran u svojstvu ispitivača ili vođe zrakoplova lično je odgovoran za gubitak ili povredu u slučaju nesreće.

Ispitivač koji ne iskazuje stručno umijeće, pažnju ili propisno ponašanje lično je odgovoran za svaki gubitak koji podnosilac zahtjeva eventualno pretrpi.

BHDCA ne pruža nikakvo osiguranje od nesreće tokom ispita ili provjere. Ono je odgovornost ispitivača.

Ispitivačima se savjetuje da potraže stručni savjet o osiguranju koje pokriva njihove aktivnosti; uključujući osiguranje od učešća u letu, ispitu ili nastavi koja bi mogla dovesti do nesreće čiji je ishod smrt, povreda ili gubitak te proizilazeći odštetni zahtjev.



5.4. Naknade

Naknada je ona koju dogovore ispitivač i podnosilac zahtjeva.

5.5. Upute o bezbjednosti letenja pri sprovođenju ispita praktične obučenosti, provjera stručnosti ili procjena stručnosti u zrakoplovu u Bosni i Hercegovini

Ispitivači koji sprovode ispite praktične obučenosti, provjere stručnosti ili procjene stručnosti u zrakoplovu u Bosni i Hercegovini dužni su da se pripreme za letenje u vazдушnom prostoru Bosne i Hercegovine (FIR Sarajevo) prije sprovođenja događaja, te da se upoznaju sa relevantnim lokalnim procedurama u slučaju da se za ispit praktične obučenosti, provjeru stručnosti ili procjenu stručnosti koristi letilište, po potrebi.

5.6. Upiti

Sve upite koje ispitivači imaju u vezi sa ovim uputstvom treba slati elektronskom poštom i nasloviti na šefa Odsjeka FCL, na sljedeću e-mail adresu: najava@bhdca.gov.ba.

Prije sprovođenja ispita praktične obučenosti, provjere stručnosti ili procjene stručnosti za imaoaca BiH dozvole ili podnosioca zahtjeva za BiH dozvolu, obavezno je da ispitivač kojeg nije sertifikovala BHDCA bude registrovan u BHDCA u smislu da je primio uputstvo za ispitivače.

Registracija je BESPLATNA.



Popunite ovu stranicu za registraciju i pošaljite elektronskom poštom na najava@bhdca.gov.ba kao prilog obrascu zahtjeva za uputstvo za ispitivače koji nisu iz Bosne i Hercegovine (*šifra obrasca: PART FCL/EXAM-005*).

Izjava o Uputstvu za ispitivače koji nisu iz Bosne i Hercegovine

Molimo da obrazac popunite **VELIKIM** slovima.

Ja, _____, izjavljujem da sam pročitao i razumio
puno ime i prezime
dokument **UPUTSTVO ZA ISPITIVAČE KOJI NEMAJU ODOBRENJE BHDCA** koji opisuje administrativne zahtjeve i postupke za prihvatanje ispitivača koji nemaju odobrenje BHDCA, zaštitu ličnih podataka, zakonsku odgovornost, osiguranje od nesreće, prije sprovođenja ispita te da sam primio Uputstvo za ispitivače u skladu sa mojim ličnim podacima:

Datum i mjesto rođenja: (dd/mm/gggg) _____

Adresa: _____

E-mail adresa: _____

Broj telefona (po mogućnosti mobilnog - opcionalno) _____

Vrsta i broj dozvole _____

Tekuća ovlaštenja za tip/klasu / IR _____

Tekući sertifikat(i) nastavnika _____

Nadležni organ za izdavanje _____

Tekući sertifikat(i) ispitivača _____

Nadležni organ za izdavanje _____

Moje privilegije ispitivača su: _____

Ovim putem dajem saglasnost BHDCA da objavi moje ime i privilegije ispitivača u skladu sa ARA.FCL.205 (b).

Potpis: _____ Datum/Mjesto: _____ /